
URTE BARRIA

**URTE BARRI
TXARRI BELARRI
DAUKANAK
EZ DAUKANARI...**

Errikoia

Urte barria, asmo barriak, geienetan zaarrak barri, aintzinako batek esaten ebanez "ez dago barririk eguzkipean" eta. Badirudi egutegiak dana aldatzen dauala: asmoak, gogoak, naiak, gurariak, amesak... geu oso-osorik aldatze gaituala emoten dau. Baiña gero, urtea amaitzean, betiko moduan "urtea erdia uzte" dala konturatzeko gara, eta askotan ez erdia, osoa baiño.

"Urte barria, bizitza barria"? edo zaarra barriztu nai? Egutegiak sendatuko deuskuz gaitasunak? Eta ekonomi larrialdi onetatik atara ere bai? Bortxakeria eta pake-eza konponduko ditu? Ez gaitezkan iñuzenteak izan! Orreek guzti orrek eguneroko ekintzek konponduko dabek eta ez beste ezerk. Egutegiak joan diran urteak kontatzeko eta etorriko direnei epea jartzeko baiño ez dau balio. Ala, gure asmo, gogo, nai eta abarreko guztiak irudi liluragarri apaindutako paper batzuetan oiñarritzen dira? Gu gagoz egotekoak orrela izan ezker? Ala izanez, gure burua gau odeitsu bateko illargiak argitzen dauala esateko moduan gagoz.

Adibiderik urbillenatarikoa eta adierazgarrienatarikoa 1992 urtea dogu. Bazirudian urte orretan munduko arazo guztiak konponduko zirela: langabezia, diru egoera larria, politikoen ustelkeria, eta abar luze bat, baiña zer? Zuzendu diren gauzen batuketa egin ezker, emoitzean ez dogu askorik artzen. Batuketa ordez, kenketa egin dogula pentsatu geinke, irabazi-bearrean galdu egin dogula emoten dau. Bereala konturatzeko gara 1991-tik ona, arazoa zuzenago ordez okerrago dagoala,

egoera larriagotu egin da. Or izan ziran EXPO, Joku Olinpikoak, AVE (Cesar?), Amerika aurkitzearen 500garren urteurrena (euskaldunok leenago eldu giñan), eta ez dakit beste zenbat gauza. Egin, egin ziran, baiña oraindiño iñork ez dau atara kontu zeatzik orreetan sarturiko dirua berreskuratu dan jakiteko (orrela izan dala egunkari askotan agertu arren). Epe luze egindako diru-gastuak direla diño, baiña epe luzezia izango dala susmatzen dot. Urte orretan gertatutakoen ostean geroago eta argiago daukat Estatu jaurlaritzak aintziñako erromatarrek erabiltzen eben politika berbera erabiltzeko asmoa daukala: Erriari bearrezko gauzen ordez, ikuskizunak emon. Langabezia konpontzeko, EXPO eta Joku Olinpikoak; politikoen ustelkeria Estatu futbol taldea munduko txapelketa nagusira joateaz aaztuten da (zenbat kostatu jaku jokalarien izerdi tanta bakoitza?); T.V.-ko ikuskizunak ere futbola eta zezanak, titi eta ipurdiak, ganorabako leiaketak, au da, ikusmena alaitzeko (! ! !???) modukoak. Badirudi aurrean daukaguzan arazoak begibistatik kendu ezker, berez konpontzen direla. Edo leenago esan dodanez, egutegi barri batek orain arte euki ez doguzan indarrak emoten dauskuzala arazoak konpontzeko.

Eta egutegi barria itxaropen eta beterik begiratzen dogun une oneetan, ezin dot burutik kendu Joseba, Joseba Goikoetxea. Abertzale onentzat amaitu dira egutegiak, itxaropenak, amesak... Norbait ilten danean mingarria bada, besteren batek ilda izan ezker mingarriago

izaten da. Gaiñera atzetik sentimendu desberdin asko geratzen dira: Iltzailearen poztasunetik asita, gorrotoraiño, bitarteko guztiak aaztu barik: miña, mendeku-gogoa, oiñazea, naigabea, atsekabea, errukia... Erreza da miñez esatea ez dala gorrotatu bear, parkatu egin bear dala, alakoak aaztu eta geroari begira sutuago eta kementsuago bideari ekin bear jakola. Baiña gertakariak urbiletik ikutzen gaituenean, ori guzti ori, itz-utsak baiño ez dira, biotzak sentitzen dauana ezin dogu kontrolatu-eta. Iltzailleak euki daiken poztasuna ildakoen lagunek orrenbeste edo gorroto geiagok estaldu daikie bereala eta alako ekintzak zabaltzen dabezan bideak badakigu negarra baiño ez dakarrela. Dana data batera edo bestera sartuak gara gure arteko burruketan.

Aurreko baten esan nebanez indar geiago egiten dogu gure arteko burruketan, daukaguzan arazoak zuzentzen baiño. Eta bitartean etsaiak bane: "Oraingoan euren artean il dira" esango eban batek baiño geiagok eskuak igurtziz, zerraldo baten inguruan sendiak eta lagunak negar egiten eben bitartean.

Eta zertarako? Zer lortu da eriotz onen birtartez? Miña, gorrotoa, mendeku-gogoa, bilduta, odol beroa... baiña ezer baikorrik? Zenbait, urkoetatik aparte, gogoratuko dabe emendik iru edo lau urtera gertakari oker au? Zertarako egin da? Erri onetako eriotz-zerrendan bat geiago jartzeko? Orren arrunta, normala, oizkoa, egunerokoa biurtu jaku indarkeriazko eriotza? ZORATUTA ETE GAGOZ!! Batetik zein bestetik begiratu, ez dauka zentzunik, ez ankarik ez bururik. Euzkadiren aide ainbat lan

egindako gizonari, Euzkadiren izenean BIZIA KENDU !

Bertoko sasoiko gizon bateri zera entzun neutson: "Non ete egoan iltzailea Joseba ixiltasunean Francoren aurka ebillanean!, edo jipoitua izan zanean!, edo espetxean egon zanean! Ba ete daki Francori buruz, txanpoi batzuetan agertzen dan morroia dala baiño geiago? Ba jakin daijala bere jokabide berbera euki dauala: iñolako eskubirik euki ez errespetatu barik, ezelango epaiketa barik iñongo defensiva aukera barik... Abertzale bat il dau!!; egunkarrietan agertu dan bezela, il aurretik gudariek esaten eben "Gora Euzkadi askatuta" esateko aukera barik eta Francok beintzat aukera ori omoten eban".

Egutegiagaz asi eta begira non amaitu dodan! Baiña emen daukagu adibide bat, eta ez daitela eredu izan: Ezin gara urte barriari itxaroten egon eguneroko arazoak konpontzeko, ezin dogu biarko itzi gaur konpondu daikiguna, eta askoz gitxiago burua lurpean sartuz arazoa berez zuzentzea itxaron. Bada beste bide bat, erosoagoa, komodoagoa: Besteren batek atara gaiazala zulo onetatik, baiña egia esan istorian zear interes bako salbatzaile eta askatzaile gitxi izan doguz. Eta orrexegaitik, ez dago txarto noizbeinka istorian atzerantz begiradatxo bat emotea, utsak ikusi eta barriri arri bardiñean ez joteko. Zein mingarria dan askotan, ikusiaren gaiñera jakituria lortzea!!!

ENRIKE ITXASALDE

EGUTEGIA

Aurten be EUSKERAZALEAK ALKARTEA'k eguneroko orritxua eskiñiko dautzun Egutegia argitaratu dau, Bilbao Bizkaia Aurrezki-Kutxa'ren laguntzaz.

Urte Barrirako oparia izan bekizue doan emoten dogun egutegi au.

Eskatu egizu urren daukazun BBK'ren etxean edo Euzkerazaleak Alkartearen etxean (Colon de Larreategi 14, 2.^a, eskoia).

ZORIONAK!!!